

Lipatlisiso tsa Selekane sa Wales Africa: Kakaretso ea phethahatso

Moelelo oa taba

Dolen Cymru Lesotho ke sethala sa likhokahano lipakeng tsa Wales le Lesotho se nang le mekhatlo ea balekane e kenyelelitseng likolo, liboto tsa litaba tsa bophelo, lihlopha tsa lipapali, mekhatlo ea babuelli ba sechaba le lihlopha tsa litaba tsa tumelo.

Ka 2024, Dolen e ile ea etella pele porojeke ea lipatlisiso e le ho fuputsa karolo eo mokhoa oa bona oa tšebetso o e bapalang e le ho aha tšebeliso 'moho e nang le tekano le phihlelo e ntle. Lipatlisiso tsena li shebane le lipotso tse latelang:

1. Na mokhoa oa Dolen oa tšebetso o kenya letsoho tšebeliso 'mohong e hlakileng ebile e na le tekano ha e bapisoa le mekhoe e meng? Haeba ho joalo, seo se etsahala joang? 'me na mabaka aa a tlatsetsang a ka ahoa ho ea pele?
2. Ke liqeto lifeng tsa hlahang potsong ea pele tse teng sebakeng sa Dolen, baithaopi le balekane (mohlala, ho latela sebopeho sa mokhatlo, mekhoe ea tšebetso e kopanetsoeng kapa mesebetsi ea khokahano)?
3. Ke liqeto lifeng tse hlahang potsong ea pele tse teng sebakeng sa sechaba se pharalletseng sa Wales Africa?
4. Sebakeng sa Dolen le sechaba se pharalletseng sa Wales Africa: mabapi le bonngoe le merero ea tokomane ea Wales Africa ea toantšo ea khethollo ea merabe, ke lithuto life tse ka ithutoang ho tsoa lipatlisisong tsa katleho ea tšebetso e kopanetsoeng, mekhoe ea Dolen ea tšebetso le mekhoe e meng e tšoanang e hlahang libukeng? Ke eng e ka qojoang, ea phetoa kapa ea fetoloa e le ho kenya letsoho kholong ea moea oa bonngoe lefatše ka bophara ekasitana le karolo eo Wales e e bapalang e le naha e hlahang ka ntle?

Lipatlisiso le se fumanoeng

Lipatlisiso li entsoe ka tšebetso ea lichelete ho tsoa ho 'muso oa Mawelsh 'me li ile tsa tsamaisoa ke Dr Elaine Christian ka khokahano ea batho ba nkileng karolo ho tsoa mafapheng a thuto, tsa bophelo, lipapali le litaba tsa tumelo. Ho ne ho boetse ho kenyelelitsoe baithaopi, basebetsi ho tsoa mekhatlong ea balekane, bafani ekasitana le litho tsa boto le basebetsi ba Dolen.

Litšobotsi tse 'ne li ile tsa aroloa lipakeng tsa lilekane tse nang le boemo bo phahameng ba tekano le ho kenya letsoho ka ho lekana. Tsena ke:

1. Pusetano le kopano ea mahlakore a mabeli: Boikutlo ba tekano mabapi le maeto, tlhopho ea mananeo le mesebetsi; palo e batlang e lekana ea baeti ba nkang maeto lehlakore ka leng, mesebetsi e tšoanang e etsahalang sebakeng ka seng, maikutlo a tšoanang lipakeng tsa balekane a hore ba na le tlatsetso e tšoanang ka hare ho selekane sa bona.
2. Botsitso ba mokhatlo: Kamano ena e fetoha karolo ea boitsebiso ba mokhatlo ka tšebeliso ea maemo a phethahatso a tšehelitseng selekane ekasitana le maano a kentsoeng tšebetsong e le ho tšehetsa taba ea ho nka karolo.

3. Setsoalle le boitlamo: Temoho ea hore kamano ka boeona e bohlokoa le hore e lokeloa ke ho tšehetsoa ka nako le chelete.
4. Tlhahlobo ea kamehla: Balekane ba etsa bonnete ba hore ba lekola le ho hlaloba maemo a kamano ea bona- ho kenellelitsoe boiteko ba ho fihlela tekano ka linako tse floaelehileng.

Lipatlisiso li bontša hore litšobotsi tsena li hokahane ka matla 'me li boetse li ea tšehetsana. Li hlalosa e le "Likhoele tse 'ne" ka hare ho tlaleho, e le tsela ea ho utloisisa le ho hlalosa se fumanoeng ka hare ho lipatlisiso. Ho matlafatsa khoele e le 'ngoe ho ama tse ling ka tsela e ntle 'me ka ho tšoana, ha e 'ngoe e fokola ho ba le litla-morao tse seng hantle tse bonoang likhoeleng tse ling.

Ka kakaretso, lipatlisiso li bontša hore:

- "Mokhoa oa Dolen" oa tšebetso o kenya letsoho kopanelong ea tšebetso e nang le tekano ebile e na le matla le phihlelo e ntle.
- Pusetano le kopano ea mahlakore a mabeli e matlafatseng e ile ea amahanngoa le ntlafatso ea botho le ea botsebi, boithuto ba setso, ho hlola mathata ekasitana le ho eketsa tlhokomeliso.
- "Mokhoa oa Dolen" oa tšebetso o ka sebelisoa ka tsela e sa tsitsang: mekhatlo e meng e ka ba le tekano e matla ha ho tluoa maetong empa ha ho tluoa tlhophong ea mananeo le mesebetsi ea balekane , ea ba tlase.
- Mekhatlo e 'maloa e sebelisa mokhoa oa tšebetso oa "mofani le moamoheli" lehoja mekhatlo ena e atisa ho sebelisa katamelo e sekametseng haholo ho tšebeliso 'moho ebile e etelletsoe pele ke balekane. Balekane ba Lesotho ba lula ba fana ka tlaleho ea hore ba thabela ho sebetsa le mekhatlo e ikamahanyang le Dolen ka lebaka lena.
- Maamong a 'maloa, balekane ba Mawelsh ba atlehile ho kenya letsoho mabapi le tekano e matla ebile e na le phihlelo. Sena ba se entse ka ho phephetsa mehopolo kapa litloaelo tsa bafani. Mohlala, mabapi le lintho tse hlokaalang sebakeng sa ho tlaleha.

Litla-morao le Likhothaletso

- Mekhatlo ea balekane e hloka tšebetso ea nako le nako e le ho matlafatsa "likhoele tse 'ne" tse khethiloeng. Sena se ka kenelletsa ho theha litataiso sebakeng sa tšebetso e ntle, lisebelisoa, koetliso, joalo joalo.
- Likamano lipakeng tsa balekane ba nang le sepheo se tšoanang (mekhatlo e nang le tšebeliso e tšoanang ea chelete sebakeng sa sechaba) li ka ba le phihlelo e ntle haholo le hona ho matlafatsa morolo oa ho nka karolo mabapi le bonngoe lefatše ka bophara. Balekane ba bacha ba ka batloa 'me balekane ba se ntse ba le teng ba ka khothaletsoa ho nišetsa mesebetsi ea bona pele karolong ena.
- Mekhatlo ea balekane e ka khothaletsoa le hona ho tšehetsoa ka litsela tse hlakileng e le ho susumetsa maemo a lichelete hore a ipapise le mekhoha e thehiloeng ka nako e telele ekasitana le mekhoha e thehiloeng holima setsoalle.

Sebakeng sa litaba tse felleteng tsa tlaleho ka puo ea Senyesemane, kena ho <http://files.elainechristian.com/Reciprocal-Partnership-Models.pdf>.